


vñ glüt darzū gethon/die selbigen anzünden. Die glüt soll er auff die kolen die er auff die stuck geworffen/ mitt 8 eisernen schauffeln werffen/vñ die selbige fein gleich zerspreittē/die schauffel soll 3 spannē vnd ein quārfinger lang/ 3 spannē breit/sein eiserner stil 2 spannē lang sein/ 8 hülzlin 10 werckschüh/das er biß zū 8 hinderē wand des ofens reiche. So die Kinstöck jetz glüendt werdē/welchs jncē/ so das kupffer gut vñ vest ist/ in einer halben stundt widerfahrt/ so böß vñ brüchig nach 2 stunden/ als dan soll 8 derrer darzū kolen thun/ an diß ort da es vort nöhtē ist/welche kolē er darnach durch ein weitte/welche zū beide seittē zwischē 8 wād vñ der thür so herab glassen ist/in dē ofen werffe / diß sol ein werckschüh vnd einer spannē breit sein. Die thür aber soll er herab lassen/so er die gassen/wañ die schlackē erstmal herauß stießen / mit dē hackē auffthüt/welchs gschicht nach dē 5 stundt verlauffen/vñ darūm wirt die thür vnder dē oberstē holen teil des bogens bey 2 werckschüh vñ 2 quārfinger herab glassen/das 8 derrer die hitz erleidē möge. Aber an welchē ort die stuck leigēdt/an disem teil soll man die kolē nicht darzū legen / das sie nicht flüssig werdē. Wañ aber die stuck auß bösem vñ brüchlichē kupffer gmacht werdē/werdē sie mitt dē stuckē/so auß güttē vñ vestē kupffer gmacht/gederret/gar oft pflegt das kupffer also hart in der gassen zū leigen/das 8 hackē so darin getriben/in die selbige nicht dringē möge. Diser sol eisern sein/vnd 6 werckschüh vnd 2 spannē lang/in welchē ein hülzener stil 8 5 werckschüh lang gschlossen sey. Darnach mitt dē trückeisen ziehe er vom herdt zū 8 rechten seitten die schlacken herab/diß so auß dē eisern blächē gemacht/soll am vorderē teil ein werckschüh vñ einer spannē breit sein/bald nach vnd nach werde es enger gemacht gegen dem stil / soll aber hoch sein 2 spannē/sein eiserner stil soll zwen werckschüh lang sein/der hülzlin darin gschlossen zehen.

Die thür so herab glassen A. Der hacken B. Die Kinstöck C.  
Die eiserne ziegel D. Die zang E.



N 2 Wāt